



寒山子詩  
附拾得詩

四部叢刊初編集部

上海商務印書館縮  
印建德周氏影宋本

寒山子詩集序

朝議大夫使持節台州諸軍事守刺史在國賜緡菜園立胤撰

詳夫寒山子者不知何許人也自古老見之皆謂貧人風狂之士隱居天台唐興縣西七十里號爲寒巖每於茲地時還國清寺寺有拾得知食堂尋常收貯餘殘菜滓於竹筒內寒山若來即負而去或長廊徐行叫喚快活獨言獨笑時僧遂捉罵打趁乃駐立撫掌呵呵大笑良久而去且狀如貧子形貌枯悴一言一氣理合其意沉而思之隱况道情凡所啓言洞該玄默乃樺皮爲冠布裘破弊木屐履地是故至人迹迹同類化物或長廊唱詠唯言咄哉咄哉三界輪迴或於村墅與牧牛子而歌笑或逆或順自樂其性非哲者安可識之矣胤頃受丹丘薄宦臨途之日乃縈頭痛遂召日者醫治轉重乃遇一禪師名豐干言從天台山國清寺來特此相訪乃命救疾師乃舒容而笑曰身居四大病從幻生若欲除之應須淨水時乃持淨水上師師乃嘆之須臾杜殄乃謂胤曰台州海島嵐毒到日必須保護胤乃問曰未審彼地當有何賢堪爲師仰師曰見之不識識之不見若欲見之不得取相迺可見之寒山文殊迹迹國清拾得普賢狀

如貧子又似風狂或去或來在國清寺庫院走使厨中著火言訖辭去胤乃進途至任台州不忘其事到任三日後親往寺院躬問禪宿果合師言乃令勘唐興縣有寒山拾得已否時縣申稱當縣界西七十里內有一巖巖中古老見有貧士頻往國清寺止宿寺庫中有一行者名曰拾得胤乃特往禮拜到國清寺乃問寺衆此寺先有豐干禪師院在何處并拾得寒山子見在何處時僧道翹荅曰豐干禪師院在經藏後即今無人住得每有一虎時來此吼寒山拾得二人見在厨中僧引胤至豐干禪師院乃開房唯見虎迹乃問僧寶德道翹禪師在日有何行業僧曰豐干在日唯攻春米供養夜乃唱歌自樂遂至厨中竈前見二人向火大笑胤便禮拜二人連聲喝胤自相把手呵呵大笑叫喚乃云豐干饒舌饒舌彌陀不識禮我何爲僧徒奔集遞相驚訝何故尊官禮二貧士時二人乃把手走出寺乃令逐之急走而去即歸寒巖胤乃重問僧曰此二人肯止此寺否乃令覓房喚歸寺安置胤乃歸郡遂製淨衣二對香藥等特送供養時二人更不返寺使乃就巖送上而見寒山子乃高聲唱曰賊賊退入巖穴乃云報汝諸人各

各努力入穴而去其穴自合莫可追之其拾得  
迹沈無所乃令僧道翹尋其往日行狀唯於竹  
木石壁書詩并村野人家廳壁上所書文句三  
百餘首及拾得於土地堂壁上書言偈並纂集  
成卷但胤棲心佛理幸逢道人乃為讚曰

菩薩遊迹

示同貧士

獨居寒山

自樂其志

貌悴形枯

布裘弊止

出言成章

諦實至理

凡人不測

謂風狂子

時來天台

入國清寺

徐步長廊

呵呵撫指

或走或立

喃喃獨語

所食厨中

殘飯菜滓

吟偈悲哀

僧俗咄捶

都不動搖

時人自耻

作用自在

凡愚難值

即出一言

頓祛塵累

是故國清

圖寫儀軌

永劫供養

長為弟子

昔居寒山

時來茲地

稽首文殊

寒山之士

南無普賢

拾得定是

聊申讚歎

願超生死

寒山詩

凡讀我詩者心中須護淨慳貪繼日廉詣曲登  
時正驅遣除惡業歸依受真性今日得佛身急  
急如律令

重巖我卜居鳥道絕人迹庭際何所有白雲抱  
幽石住茲凡幾年屢見春冬易寄語鍾鼎家虛  
名定無益

可笑寒山道而無車馬蹤聯谿難記曲疊嶂不  
知重泣露千般草吟風一樣松此時迷徑處形  
問影何從

吾家好隱淪居處絕塵塵踐草成三徑瞻雲作  
四鄰助歌聲有鳥問法語無人今日娑婆樹幾  
年為一春

琴書須自隨祿位用何為投輦從賢婦巾車有  
孝兒風吹曝麥地水溢沃魚池常念鶴鵝鳥安  
身在一枝

弟兄同五郡父子本三州欲驗飛鳥集須旌白  
兔遊靈瓜夢裏受神橘座中收鄉國何迢遞同  
魚寄水流

一為書劍客二遇聖明君東守文不賞西征武  
不勲學文兼學武學武兼學文今日既老矣餘  
何不足云

莊子說送終天地爲棺槨吾歸此有時唯須一  
番箔死將饒青蠅吊不勞白鶴餓著首陽山生  
廉死亦樂

人問寒山道寒山路不通夏天冰未釋日出霧  
朦朧似我何由屆與君心不同君心若似我還  
得到其中

天生百尺樹翦作長條木可惜棟梁材拋之在  
幽谷年多心尚勁日又皮漸禿識者取將來猶  
堪柱馬屋

驅馬度荒城荒城動客情高低舊雉堞大小古  
墳塋自振孤蓬影長凝拱木聲所嗟皆俗骨仙  
史更無名

鸚鵡宅西國虞羅捕得歸美人朝夕弄出入在  
庭幃賜以金籠貯局哉損羽衣不如鴻與鶴飄  
颻入雲飛

玉堂掛珠簾中有嬋娟子其貌勝神仙容華若  
桃李東家春霧合西舍秋風起更過三十年還  
成昔蔗滓

城中娥眉女珠珮珂珊珊鸚鵡花前弄琵琶月  
下彈長歌三月響短舞萬人看未必長如此美  
蓉不耐寒

父母續經多田園不羨他婦搖機軋軋兒弄口

過過拍手催花舞搯頤聽鳥歌誰當來歎賀樵  
客屢經過

家住綠巖下庭蕪更不艾新藤垂繚繞古石豎  
巉崑山果獼猴摘池魚白鷺啣仙書一兩卷樹  
下讀喃喃

四時無止息年去又年來萬物有代謝九天無  
朽權東明又西暗花落復花開唯有黃泉客冥  
冥去不迴

歲去換愁年春來物色鮮山花笑淥水巖岫舞  
青煙蜂蝶自云樂禽魚更可憐朋遊情未已徹  
曉不能眠

手筆大縱橫身才極環瑋生爲有限身死作無  
名鬼自古如此多君今爭柰何可來白雲裏教  
爾紫芝歌

欲得安身處寒山可長保微風吹幽松近聽聲  
逾好下有斑白人喃喃讀黃老十年歸不得忘  
却來時道

俊傑馬上郎揮鞭指柳楊謂言無死日終不作  
梯航四運花自好一朝成萎黃醍醐與石蜜至  
死不能嘗

有一餐霞子其居諱俗遊論時實蕭爽在夏亦  
如秋幽澗常瀝瀝高松風颼颼其中半日坐志

却百年愁

妾在邯鄲住歌聲亦抑揚賴我安居處此曲舊  
來長既醉莫言歸留連日未央兒家寢宿處繡  
被蒲銀牀

使榜三翼舟善乘千里馬莫能造我家謂言最  
幽野巖岫深嶂中雲雷竟日下自非孔丘公無  
能相救者

智者君拋我愚者我拋君非愚亦非智從此斷  
相聞入夜歌明月侵晨舞白雲焉能拱口手端  
坐鬢紛紛

有鳥五色起棲桐食竹實徐動合禮儀和鳴中  
音律昨來何以至為吾暫時出儻聞絃歌聲作  
舞欣今日

茅棟野人居門前車馬疎林幽偏聚鳥谿闊本  
藏魚山果攜兒摘臯田共婦鋤家中何所有唯  
有一牀書

登陟寒山道寒山路不窮谿長石磊磊澗闊草  
濛濛苔滑非關雨松鳴不假風誰能超世累共  
坐白雲中

六極常嬰困九維徒自論有才遺草澤無藝閉  
蓬門日上巖猶暗煙消谷裏昏其中長者子箇  
箇揔無視

白雲高嵯峨淥水蕩潭波此處聞漁父時時鼓  
棹歌聲聲不可聽令我愁思多誰謂雀無角其  
如穿屋何

杳杳寒山道落落冷澗濱啾啾常有鳥寂寂更  
無人磧磧風吹面紛紛雪積身朝朝不見日歲  
歲不知春

少年何所愁愁見鬚毛白白更何所愁愁見日  
逼迫移向東岱居配守北邙宅何忍出此言此  
言傷老客

閒道愁難遣斯言謂不真昨朝曾趁却今日又  
總身月盡愁難盡年新愁更新誰知席帽下元  
是昔愁人

兩龜乘犢車驀出路頭戲一壘從傍來苦死欲  
求寄不載爽人情始載被沈累彈指不可論行  
恩却遭刺

三月蠶猶小女人來采花隈牆弄蜘蛛臨水擲  
蝦蟆羅袖盛梅子金鑊挑筍芽闕論多物色此  
地勝余家

東家一老婆富來三五年昔日貧於我今笑我  
無錢渠笑我在後我笑渠在前相笑儻不止東  
邊復西邊

富兒多鞅掌觸事難祇承倉米已赫赤不貸人

斗升轉懷鉤距意買縮先揀綾若至臨終日帛  
客有蒼蠅

余曾昔親聰明士博達英靈無比倫一選嘉名  
喧宇宙五言詩句越諸人爲官治化超先輩直  
寫無能繼後塵忽然富貴貪財色瓦解冰消不  
可陳

白鶴噉苦挑千里作一息欲往蓬萊山將此充  
糧食未達毛摧落離群心慘惻却歸舊來巢妻  
子不相識

慣居幽隱處乍向國清來時訪豐干道仍來看  
拾公獨迴上寒巖無人話合同尋究無源水源  
窮水不窮

生前大愚癡不爲今日悟今日如許貧拙是前  
生作今日又不修來生還如故兩岸各無船渺  
渺難濟渡

璨璨盧家女舊來名莫愁貪乘摘花馬樂榜采  
蓮舟膝坐綠熊席身披青鳳裘哀傷百年內不  
免歸山丘

低眼郢公妻邯鄲杜生母二人同老少一種好  
面首昨日會客場惡衣排在後只爲著破裙喫  
他殘楚燹

下前口切  
下前斗切

獨卧重巖下蒸雲晝不消室中雖踰變心裏絕

喧啾夢去遊金闕魂歸度石橋拋除鬧我者歷  
歷樹間歌

夫物有所用之各有宜用之若失所一缺復  
一虧圓鑿而方枘悲哉空爾爲騁驕將捕鼠不  
及跛猫兒

誰家長不死死事舊來均始憶八尺漢俄成一  
聚塵黃泉無曉日青草有時春行到傷心處松  
風愁殺人

駟馬珊瑚鞭驅馳洛陽道自矜美少年不信有  
衰老白髮會應生紅顏豈長保但看北邙山箇  
是蓬萊島

竟日常如醉流年不暫停埋著蓬蒿下曉月何  
冥冥骨肉消散盡魂魄幾凋零遮莫敲鐵口無  
因讀老經

一向寒山坐淹留三十年昨來訪親友太半入  
黃泉漸減如殘燭長流似逝川今朝對孤影不  
覺淚雙懸

相喚採芙蓉可憐清江裏游戲不覺暮屢見狂  
風起浪棒鴛鴦兒波搖鷓鴣子此時居舟楫浩  
蕩情無已

吾心似秋月碧潭清皎潔無物堪比倫教我如  
何說



垂柳暗如煙飛花飄似霰夫居離婦州婦住思夫縣各在天一涯何時得相見寄語明月樓莫貯雙飛鷺

有酒相招飲有肉相呼喫黃泉前後人少壯須努力玉帶暫時華金釵非久飾張翁與鄭婆一去無消息

可憐好丈夫身體極稜稜春秋未三十才藝百般能金羈逐俠客玉饌集良朋唯有一般惡不傳無盡燈

桃花欲經夏風月催不待訪覓漢時人能無一箇在朝朝花遷落歲歲人移改今日揚塵處昔時為大海

我見東家女年可有十八西舍競來問願姻夫妻活烹羊煮糜命聚頭作姪殺含笑樂呵呵啼哭受殃扶

田舍多桑園牛犢滿廢轍肯信有因果頑皮早晚裂眼看消磨盡當頭各自活紙袴瓦作棍到頭凍餓殺

我見百十狗箇箇毛驢驢卧者渠自卧行者渠自行投之一塊骨相與哩啜上牛皆切下士皆切爭良由為骨少狗多分不平

極目兮長望白雲四茫茫鷓鴣飽脹腰鸞鳳飢

徬徨駿馬放石磧蹇驢能至堂天高不可問鷓鴣在滄浪

洛陽多女兒春日逞華麗共折路邊花各持插高髻髻高花店匠人見皆睥睨別求醯醢憐將歸見夫輩

春女術容儀相將南陌陸看花愁日晚隱樹怕風吹年少從傍來白馬黃金羈何須久相弄兒家夫輩知

羣女戲夕陽風來滿路香綴裙金蛺蝶插髻玉鴛鴦角婢紅羅縝閨奴紫錦裳為觀失道者躑白心惶惶

若人逢鬼魅第一莫驚懾捺硬莫采渠呼名自當去燒香請佛力禮拜求僧助蚊子叮鐵牛無渠下嘴處

浩浩黃河水東流長不息悠悠不見清人人壽有極苟欲乘白雲曷由生羽翼唯當鑿髮時行住須努力

乘茲朽木船采彼絳婆子絳音壬佛經西國苦樹名其子根葉俱苦喻眾生之惡行至大海中波濤復不止唯費一宿糧去岸三千里煩惱從何生愁哉緣苦起

默默永無言後生何所述隱居在林藪智日何由出枯槁非堅衛風霜成天疾土牛耕石田未

有得稻日

山中何太冷自古非今年杳嶂恒疑雪幽林每吐煙草生芒種後葉落立秋前此有沈迷客窺窺不見天

窺不見天

山客心悄悄常嗟歲序遷辛勤采芝朮披斥詎成仙庭廓雲初卷林明月正圓不歸何所為桂樹相留連

有人坐山楹雲卷兮霞瓔秉芳兮欲寄路漫漫難征心惆悵狐疑年老已無成衆啞啞斯寒獨

立兮忠貞

豬喫死人肉人喫死豬腸豬不嫌人臭人返道

豬香豬死拋水內人死掘土藏彼此莫相噉蓮

花生沸湯

快哉混沌身不飯復不尿遭得誰鑽鑿因茲立

九竅朝朝為衣食歲歲愁租調千箇爭一錢聚

頭亡命叫

啼哭綠何事淚如珠子顆應當有別離復是遭

喪禍所為在貧窮未能了因果塚間瞻死屍六

道不干我

婦女情經織男夫懶耨田輕浮耽挾彈踮躑勝也協二切踮履也下所倚所買二切舞履也拈抹絃凍骨衣應急充腸食

在先今誰念於汝苦痛哭蒼天

不行真正道隨邪號行婆口慙神佛少心懷嫉妬多背後噴魚肉人前念佛陀如此修身處難應避奈何

世有一等愚茫茫恰似驢還解人言語貪媠狀

若豬險巖難可測實語却成虛誰能共伊語令

教莫此居

有漢姓傲慢名貪字不廉一身無所解百事被

他嫌死惡黃連苦生憐白蜜甜喫魚猶未止食

肉更無厭

縱你居犀角饒君帶虎睛桃枝將辟穢菘殼取

為瓔暖腹菜萸酒空心枸杞羹終歸不免死浪

自覓長生

卜擇幽居地天台更莫言猿啼谿霧冷嶽色草

門連折葉覆松室開池引澗泉已甘休萬事采

蕨度殘年

益者益其精可名為有益易者易其形是名之

有易能益復能易當得上仙籍無益復無易終

不免死厄

徒勞說三史浪自看五經洎老檢黃籍依前住

白丁筮遭連蹇卦生主虛危星不及河邊樹年

年一度青

碧澗泉水清寒山月華白默知神自明觀空境

逾寂

我今有一襦非羅復非綺借問作何色不紅亦  
不紫夏天將作衫冬天將作被冬夏遞互用長  
年只這是

白拂拈檀柄馨香竟日聞柔和如卷霧搖拽似  
行雲禮奉宜當暑高提復去塵時時方丈內將  
用指迷人

貪愛有人求快活不知禍在百年身但看陽燄  
浮漚水便覺無常敗壞人丈夫志氣直如鐵無  
曲心中道自真行密節高霜下竹方知不枉用  
心神

多少般數人百計求名利心貪貪榮華經營圖  
富貴心未片時歇奔突如煙氣家眷實團圓一  
呼百諾至不過七十季冰消瓦解置死了萬事  
休誰人承後嗣水浸泥彈丸方知無意智

貪人好聚財恰如梟愛子子大而食母財多還  
害已散之即福生聚之即禍起無財亦無禍鼓  
翼青雲裏

去家一萬里提劍擊匈奴得利渠即死失利汝  
即殞渠命既不惜汝命有何辜教汝百勝術不

貪為上謀

瞋是心中火能燒功德林欲行菩薩道忍辱護

真心

汝為埋頭癡兀兀愛向無明羅剎窟再三勸你  
早修行是你頑癡心恍惚不肯信受寒山語轉  
轉倍加業汨汨直待斬首作兩段方知自身奴  
賊物

惡趣甚茫茫冥冥無日光人間八百歲未抵半  
宵長此等諸癡子論情甚可傷勸君求出離認  
取法中王

世有多解人愚癡徒苦辛不求當來善唯知道  
惡因五逆十惡輩三毒以為親一死入地獄長  
如鎮庫銀

天高高不窮地厚厚無極動物在其中憑茲造  
化力爭頭覓飽暖作計相啖食因果都未詳盲  
兒問乳色

天下幾種人論時色數有賈婆如許夫黃老元  
無婦衛氏兒可憐鐘家女極醜渠渠若向西行我  
便東邊走

賢士不貪婪癡人好鑪冶麥地占他家竹園皆  
我者努膊覓錢財切齒驅奴馬須看郭門外壘  
壘松栢下

噴噴買魚肉擔歸餒妻子何須殺他命將來活  
汝已此非天堂綠純是地獄滓徐六語破堆始

知沒道理

有人把椿樹喚作白梅檀學道多沙數幾箇得泥丸棄金却擔草謾他亦自謾似聚砂一處成團也大難

烝砂擬作飯臨渴始掘井用力磨碌碾那堪將作鏡佛說元平等摠有真如性但自審思量不用閑爭競

推尋世間事子細摠皆知凡事莫容易盡愛討便宜護即弊成好毀即是成非故知雜濫口背面摠由伊冷暖我自量不信奴胥皮

踏蹬諸貧士飢寒成至極閑居好作詩札札用心力賤他言孰采勸君休歎息題安餽麩上乞狗也不喫

欲識生死辭且將冰水比水結即成冰冰消返成水已死必應生出生還復死冰水不相傷生死還雙美

尋思少年日遊獵向平陵國使職非願神仙未足稱聯翩騎白馬喝兔放蒼鷹不覺大流落魄誰誰見矜

偃息深林下從生是農夫立身既質直出語無諂諛保我不鑿辟信君方得珠焉能同汎豔極目波上鳧

不須攻人惡何用伐己善行之則可行卷之則可卷祿厚憂積大言深慮交淺聞茲若念茲小子當自見

富兒會高堂華燈何焯焯此時無燭者心願處其傍不意遭排遣還歸暗處藏益人明詎損頓訝惜餘光

世有聰明士勤苦探幽文三端自孤立六藝越諸君神氣卓然異精彩超衆羣不識箇中意逐境亂紛紛

層層山水秀煙霞鎖翠微嵐拂紗巾濕露霏萋草衣足躡遊方履手執古藤枝更觀塵世外夢境復何爲

滿卷才子詩溢壺聖人酒行愛觀牛犢坐不離左右霜露入茅簷月華明莞牖此時吸兩甌吟詩五百首

施家有兩兒以藝干齊楚文武各自備託身爲得所孟公問其術我子親教汝秦衛兩不成失時成齟齬

止宿鴛鴦鳥一雄兼一雌銜花相共食刷羽每相隨戲入煙霄裏宿歸沙岸湄自憐生處樂不奪鳳凰池

或有銜行人才藝過周孔見罷頭兀兀看時身

伺伺繩牽未肯行，錐刺猶不動。恰似羊公鶴，可憐生氈毼。上徒紅切，下名孔切。

少小帶經鋤，本將兄共居。緣遭他輩責，剩被自妻踈。拋絕紅塵境，常遊好閱書。誰能借斗水，活取轍中魚。

變化計無窮，生死竟不止。三途鳥雀身，五嶽龍魚已。世濁作規孺。上女奚切，下女溝切。胡羊也。時清為驛駟，前迴是富兒。今度成貧士。

書判全非弱，嫌身不得官。銓曹被拘折，洗垢覓瘡癥。必也關天命，今冬更試看。盲兒射雀目，偶中亦非難。

貧驢欠一尺，富狗剩三寸。若分貧不平，中半富與困。始取驢飽足，却令狗飢頓。為汝熟思量，令我也愁悶。

柳郎八十二，藍嫂一十八。夫妻共百年，相憐情狡狴。弄璋字烏觥，擲瓦名娼媼。上一九切，下奴蒼切。屢見枯楊萋，常遭青女殺。

大有飢寒客，生將獸魚殊。長存磨石下，時哭路邊隅。累日空思飯，經冬不識襦。唯齋一束草，并帶五升麩。

赫赫誰覲肆，其酒甚濃厚。可憐高幃幟，極目平升斗。何意訝不售，其家多猛狗。童子欲來沽，狗

敲便是走

吁嗟濁濫處，羅刹共賢人。謂是等流類，焉知道不親。狐假師子勢，詐妄却稱珍。鈔礦入鑪冶，方知金不真。

田家避暑月，斗酒共誰歡。雜雜排山果，踈踈圍酒罇。蘆簟將代席，蕉葉且充盤。醉後搢頤坐，須彌小彈丸。

箇是何措大，時來省南院。年可三十餘，曾經四五選。囊裏無青蚨，篋中有黃綰。行到食店前，不敢暫回面。

為人常喫用，愛意須慳惜。老去不自由，漸被他推斤。送向荒山頭，一生願虛擲。亡羊罷補穿，失意終無極。

浪造凌霄閣，虛登百尺樓。養生仍天命，誘讀詎封侯。不用從黃口，何須飲白頭。未能端似箭，且莫曲如鉤。

雲山疊疊連，天碧路僻林深無。客遊遠望孤蟾明，皎皎近聞羣鳥語。啾啾老夫獨坐棲青嶂，少室閑居任白頭。可歎往年與今日，無心還似水東流。

富貴踈親聚，只為多錢米。貧賤骨肉離，非關少兄弟。急須歸去來，招賢閣未啓。浪行朱雀街，踏

破皮鞋底

我見一癡漢仍居三兩婦養得八九兒抱是隨  
宜手丁防是新差資財非舊有黃葉作驢鞞始  
知苦在後

新穀尚未熟舊穀今已無就貸一斗許門外立  
踞蹶夫出教問婦婦出遣問夫慳惜不救乏財  
多爲累患

大有好笑事略陳三五箇張公富奢華孟子貧  
軾軻只取侏儒飽不憐方朔餓已歌唱者多白  
雪無人知

老翁娶少婦髮白婦不耐老婆嫁少夫面黃夫  
不愛老翁娶老婆一一無棄皆少婦嫁少夫兩  
兩相憐態

雍容美少年博覽諸經史盡號曰先生皆稱爲  
學士未能得官職不解秉耒耜冬披破布衫蓋  
是書誤己

鳥語情不堪其時卧草庵櫻桃紅燥燥楊柳正  
氍毹旭日銜青嶂晴雲洗淥潭誰知出塵俗馭  
上寒山南

昨日何悠悠場中可憐許上爲桃李徑下作蘭  
蓀渚復有綺羅人舍中翠毛羽相逢欲相喚脈  
脈不能語

丈夫莫守困無錢須經紀養得一牯牛生得五  
犢子犢子又生兒積數無窮已寄語陶朱公富  
與君相似

之子何惶惶卜居須自審南方瘴癘多北地風  
霜甚荒陬不可居毒川難可飲魂兮歸去來食  
我家園甚

昨夜夢還家見婦機中織駐梭如有思擊梭似  
無力呼之迴面視況復不相識應是別多年鬢  
毛非舊色

人生不滿百常懷千載憂自身病始可又爲子  
孫愁下視禾根下上看桑樹頭秤鎚落東海到  
底始知休

世有一等流悠悠似木頭出語無知解云我百  
不憂問道道不會問佛佛不求子細推尋著茫  
然一場愁

董郎年少時出入帝京裏衫作嫩鶉黃容儀畫  
相似常騎踏雪馬拂拂紅塵起觀者滿路傍箇  
是誰家子

箇是誰家子爲人大被憎癡心常憤憤肉眼醉  
瞢瞢見佛不禮佛逢僧不施僧唯知打大齋除  
此百無能

人以身爲本本以心爲柄本在心莫邪心邪喪

本命未能免此殃何言懶照鏡不念金剛經却  
今菩薩病

城北仲家翁渠家多酒肉仲翁婦死時吊客滿  
堂屋仲翁自身亡能無一人哭喫他盃齋者何  
太冷心腹

下愚讀我詩不解却嗤謂中庸讀我詩思量云  
甚要上賢讀我詩把著滿面笑揚脩見幼婦一

覽便知妙

自有慳惜人我非慳惜輩衣單為舞穿酒盡綠  
歌吟當取一腹飽莫令兩脚儂蓬蒿鑽觸體此

日君應悔

我行經古墳淚盡嗟存沒塚破墜黃腸棺穿露  
白骨歎斜有瓮餅振撥無簪笏風至攬其中灰  
塵亂埽埽

夕陽赫西山草木光曄曄復有朦朧處松蘿相  
連接此中多伏虎見我奮迅鬣手中無寸刃爭  
不懼懾懾

出身既擾擾世事非一狀未能捨流俗所以相  
追訪昨吊徐五死今送劉三葬終日不得閑為  
此心悽愴

有樂且須樂時哉不可失雖云一百年豈蒲三  
萬日寄世是須臾論錢莫啾唧孝經末後章委

曲陳情畢

獨坐常忽忽情懷何悠悠山脊雲縵縵谷口風  
颼颼猿來樹嫋嫋鳥入林啾啾時催鬚颯颯歲  
盡老惆悵

一人好頭肚六藝盡皆通南見驢歸北西逢越  
向東長漂如汎萍不息似飛蓬問是何等色姓  
貧名曰窮

他賢君即受不賢君莫與君賢他見容不賢他  
亦拒嘉善矜不能仁徒方得所勸逐子張言拋  
却卜商語

俗薄真成薄人心箇不同躬翁笑柳老柳老笑  
躬翁何故兩相笑俱行論說中裝車競帶嶠翻  
載各漉凍

是我有錢日怕為汝貧將汝今既飽暖見我不  
分張須憶汝欲得似我今承望有無更代事勸  
汝熟思量

人生一百年佛說十二部慈悲如野鹿臆念似  
家狗家狗趁不去野鹿常好走欲伏獼猴心須  
聽師子吼

教汝數般事思量知我賢極貧忍賣屋纔富須  
買田空腹不得走枕頭須莫眠此言期眾見挂  
在日東邊

寒山多幽竒登者皆恒懼月照水澄澄風吹草  
獵獵凋梅雪作花机木雲充葉觸雨轉鮮靈非  
晴不可涉

有樹先林生計年逾一倍根遭陵谷變葉被風  
霜改咸笑外凋零不憐內紋綠皮膚脫落盡唯  
有貞實在

寒山有鰥蟲身白而頭黑手把兩卷書一道將  
一德住不安釜竈行不齋衣祴常持智慧劍擬  
破煩惱賊

有人畏白首不肯捨朱紱采藥空求仙根苗亂  
挑掘數年無効驗癡意瞋佛鬱獵師披袈裟元  
非汝使物

昔時可可貧今朝最貧凍作事不諧和觸途成  
空德行泥屢脚屈坐社頻腹痛失却斑猫兒老  
鼠圍飯瓮

我見世間人堂堂好儀相不報父母恩方寸底  
摸樣欠負他人錢蹄穿始惆悵箇箇惜妻兒爺  
孃不供養兄弟似冤家中常悵快憶昔少年  
時求神願成長今爲不孝子世間多此樣買肉  
自家噎抹背道我暢自逞說婁羅聰明無益當  
牛頭努目瞋出去始時擲擇佛燒好香揀僧歸  
供養羅漢門前乞趁却閑和尚不悟無爲人從

來無相狀封疏請名僧贖錢兩三樣雲光好法  
師安角在頭上汝無平等心聖賢俱不降凡聖  
皆混然勸君休取相我法妙難思天龍盡迴向  
我今稽首禮無上法中王慈悲大喜捨名稱滿  
十方衆生作依怙智慧身金剛頂禮無所著我  
師大法王

可貴天然物獨一無伴侶覓他不可見出入無  
門戶促之在方寸延之一切處你若不信受相  
逢不相遇

余家有一窟窟中無一物淨潔空堂堂光華明  
日日躑食養微軀布裘遮幻質任你千聖現我  
有天眞佛

男兒大丈夫作事莫莽鹵勁挺鐵石心直取苦  
提路邪路不用行行之枉辛苦不要求佛果識  
取心王主

粵自居寒山曾經幾萬載任運遯林泉棲遲觀  
自在寒巖人不到白雲常變變細草作卧褥青

天爲被蓋使活枕石頭天地任變改

可重是寒山白雲常自閑  
後啼暢道內虎嘯出  
人間獨步石可履孤吟  
藤好攀松風清颯颯鳥  
語聲喧喧

閑自訪高僧煙山萬萬層  
師親指歸路月掛一



輪燈

閑遊華頂上日朗晝光輝四顧晴空裏白雲同鶴飛

世有多事人廣學諸知見不識本真性與道轉懸遠若能明實相豈用陳虛願一念了自心開佛之知見

寒山有一宅宅中無闌隔六門左右通堂中見天碧房房虛索索東辭打西野其中一物無免被人來借寒到燒輓火飢來煮菜喫不學田舍翁廣置牛莊宅盡作地獄業一入何曾極好好善思量思量知軌則

儂家暫下山入到城隍裏逢見一羣女端正容貌美頭戴蜀樣花燕脂塗粉膩金釧鏤銀朶羅衣緋紅紫朱顏類神仙香帶氣氤氣時人皆顧眎癡愛染心意謂言世無雙魂影隨他去狗齧枯骨頭虛白欲脣齒不解返思量與畜何曾異今成白髮婆老陋若精魅無始由狗心不起解脫地

一自遯寒山養命餐山果平生何所憂此世隨緣過日月如逝川光陰石中火任你天地移我暢巖中坐

我見世間人茫茫走路塵不知此中事將何爲

去津榮華能幾日眷屬片時親縱有千斤金不  
如林下貧

自聞梁朝日四依諸賢士寶志萬迴師四仙傳  
大士顯揚一代教作時如來使造建僧伽藍信  
心歸佛理雖乃得如斯有爲多患累與道殊懸  
遠折西補東爾不達無爲功損多益少利有聲  
而無形至今何處去

吁嗟貧復病爲人絕友親甕裏長無飯甑中屢  
生塵蓬庵不免雨漏榻劣容身莫怪今憔悴多  
愁定損人

養女畏太多已生須訓誘捺頭遺小心鞭背令  
緘口未解乘機杼那堪事箕箒張婆語驢駒汝  
大不如母

秉志不可卷須知我匪席浪造山林中獨卧盤  
陀石辯士來勸余速令受金壁鑿牆植蓬蒿若  
此非有益

以我棲遲處幽深難可論無風蘿自動不霧竹  
長昏澗水綠誰咽山雲忽自屯午時庵內坐始  
覺日頭暎

憶昔遇逢處人間逐勝遊樂山登萬仞愛水汎  
千舟送客琵琶谷攜琴鸚鵡洲焉知松樹下抱  
膝冷颼颼